

**Siunnersuut uunga: Inatsisartut Suleriaasiata allangortinneqarnera.**

(Inatsisartut Siulittaasoqarfiat)

**Saqqummiussissut**

(Inatsisartut Siulittaasuut)

**Siullermeerinninneq**

2015-imi upernaakkut ataatsimiinnermi Inatsisartut Suleriaasiata allangortinneqarnissaanik siunnersuut annertoq Inatsisartunit akuersissutigineqarpoq. Tamatuma kingorna paasinarsivoq allanguutit akuersissutigineqartut ataasiakkaanik kukkuneqartut. Kukkunerit taakku iluarsineqarnissaat siunertaralugu siunnersuut manna saqqummiunneqarpoq. Kukkunerit ataasiakkaat taakkunungalugu iluarsissutissatut siunnersuutit sukumiinerusumik allaaserineqarneri eqqarsaatigalugit siunnersuummut nalinginnaasumik nassuiaatit innersuussutigineqarpoq.

Peqatigitillugu Siulittaasoqarfiup siunnersuutigaa apeqquteqaat aallaavigalugu oqallinnernut atatillugu Inatsisartut oqaaseqaatissaannut siunnersuuteqartarneq pillugu Suleriaatsimi aalajangersakkat utertinneqassasut, aalajangersakkanut Suleriaatsimik kingullermik allangortitsinerit siornanut atuuttunut. Taamaalilluni § 36 naapertorlugu apeqquteqaatinut (apeqquteqaat aallaavigalugu oqallinnissamik siunnersuutitut) Inatsisartut oqaaseqaatissaannik ilanngussisqartariaqarunnaarlunilu ilanngussisqarsinnaajunnaarpoq, Taamaattorli oqallinnerup ingerlanerani Inatsisartut oqaaseqaatissaannut sulii siunnersuuteqartoqarsinnaavoq.

Aaqqissuussinerup nutaap nalaani misilittakkat tunngavigalugit malittarisassanut siusinnerusukkut atuuttunut utersaarnissamik siunnersuuteqartoqarpoq. Pinngitsoorani Inatsisartut oqaaseqaataannik ilanngussisarnissamik piunasaqaat § 36 naapertorlugu apeqqutit oqallisigineqarnerannik annertuumik sivitsorsaataasimavoq. Pinngitsoorani Inatsisartut oqaaseqaatissaannik ilanngussisarnissamik piunasaqaat taamatuttaaq oqallinnerit pitsaanerulernerannik kinguneqarsimangilaq. Ilanngullugu nassuerutigineqartariaqarpoq Inatsisartut oqaaseqaateqarneratigit (pituttuinnngitsumik) naalakkersuinikkut isummernissamat siunnersuuteqarsinnaalernikkut naatsorsuutigineqaraluartutut aalajangiiffigisassatut siunnersuutit amerlassusii ikilisimanngimmata.

Taamatut oqaaseqarlunga siunnersuut Inatsisartunut oqaluuserisassanngortippara.